

# HAERE MAI RĀ !

A pii atu, "Haere mai e tāmā !" !

Tei ʻōre i: haapa, ua riro ia ei haemā-  
raa i te aro o te taata. O ta ʻoutou  
ia i faaroo aē nei i te ōmaraa o  
teie nei vauvauaa manaò no niā i  
te tumu parau ra, te hiroā tumu Māōhi,  
oia te ōhipa taa ē, te peu taa ē,  
te reo taa ē, te mau mea taa ē atoā  
e itehia ai te hiroā o te Māōhi, e  
taua mea taa ē ra, i roto i te reo,  
i roto i te feruriraa, i roto i te  
āau o te Māōhi, teie ia reo iti, e  
fāriu ai, e ōtiā ai, e fārerei ai  
te taata i te taata, oia : "Haere mai!  
haere mai ! Haere mai rā !" !

## TAHUA NO TE FAREREI

I mua ra, i mua ra pai, te mahora  
noa ra ia te fenua o te Māōhi ; e tahua  
oriraa ia, e tahua no te horoā e no  
te fārerei. Na te ōtiā mai òe i te  
haere e, hemo mai ia ōtiā . Na ō mai  
ia òe io mea mā e tae roa atu io mea  
ma.

Aore a pai ia te Māōhi i faatahae  
atu ra i te ūri o te hohonu i te ta-  
ata, aore a ia teie mau papai i te  
ūputa āua ra e : "Attention chien  
méchant".

Inaha hoī, te fatu-fetii-noa-hia  
ra a ia te fenua i reira ra, mai te  
itehina e mai te haamanahia i niā i  
te marae tupuna, ia au i te paparaa  
tupuna o tera o tera ōpu fetii. Aore  
e fenua e aore e fetii, aore e fetii  
e aore e fenua, aore fenua e aore  
ība, e aore e āai. Te parau noa ra  
te Māōhi i te parau o to na fenua,  
te faatiā āamu noa ra to na fenua  
i te parau o te Māōhi. Te tāvinu noa  
ra o ia i to na fenua e te tāvinu  
noa mai ra to na fenua ia na.

Aore a ia te parau no te tapu, oia,  
"Tabou", i pāpāhia atu ra na niā  
i te mau āua ei ōpaniraa ia ʻōre te  
taata ia haere faahou na niā i te  
fenua, na te ēatiā noa ra. Inaha hoī  
te tapu, e parau ia no te moā, no  
te mana e no te faatura i te Atua  
i roto i te tiaturiraa o te Māōhi,  
eere rā i te parau no te ōpani i te  
fenua i te taata.

## E FETII TE FENUA

I te tau o te Māōhi, te parahi noa  
ra te fenua i roto i te auaa fetii,  
te fetii noa ra o ia i to na fenua,  
aore ra i riro atu ra ei taata ē.  
Mai roto mai i te ōpū o te metua va-  
hine, te te Māōhi nohoraa i roto i  
to na-pū fenua.

I te fenua i haafanau mai ia òe  
to òe faatura e vai ai, no te mea,  
o to òe ia metua. A hiò i to moā,



*o te hōhōhō ia o to fenua jōnu  
Te tahi a ia tae ta Tuterāe i haama,  
ia fetii noa te Māōhi i to na fenua.  
Aore e vāvāhi, aore e hoo, aore e  
aitau. Ua vāvāhi anaē i te fenua ra  
ua vāvāhi atoā ia i te fetii. Ua hoo  
anaē i te fenua ra, ua hoo atoā ia  
i te fetii. Ua aita anaē i te fenua,  
ua aita atoā ia i te fetii.*

maa fare iti taōtoraa, hoē maa fare  
iti tāmāraa, hoē māa fare iti tuturaa,  
e hoē maa fare iti fāriiraa taata.

## HAERE MAI TE HIROA TUMU

Eita te parau no te fare e faataa-  
ē-hia i te parau no te fenua. Haapā-  
rahi atu ia mea mā rii i niā i te  
fenua, eiaha rā i te aore. Tei pārahi  
i niā i te fenua ra, ua pārahi a-  
toā ia i roto i te fetii, taua fetii  
nei a tei reira te pū-fenua o te fāri-  
iraa taata, a tiā roa atu ai te tahi  
tāvevo no te marae mai no Farepua,  
i te na-ō-raa mai i te ahehe mai roto  
mai ite āua miti haari ia ōpu pāfa  
ra e : "Haere mai e tāmā !" Haere  
mai e tāmā !" !

Te fenua, te fetii, te fare, te  
māa, hoē to rātou parau, oia, "haere  
mai". O te hiroā tumu ia o te Māōhi,  
haere mai. E fenua-fetii-fārii-taata  
to te Māōhi. E fare-fetii-fārii-taata  
to te Māōhi. E māa-fetii-fārii-taa  
ta te Māōhi. E fetii te fenua, e fetii  
te fare, e fetii te māa, e fetii te  
fetii. Tei fetii ia mea mā ra, ua  
fetii ia i te fetii o mea mā e fetii  
roa atu ai i te fetii o te fetii o  
mea mā. E aha hoī terā ra. Aore ta  
te fatu fenua e ōpiripiriraa, no na  
iho te fenua, e ʻōre o ia e ʻēre. Aore  
ta te fatu fare e ōpiripiriraa, no  
na iho te fare, e ʻōre o ia e ʻēre.  
Aore ta te fatu māa e ōpiripiriraa,  
na na iho te māa, e ʻōre o ia e ʻēre.

Haere mai rā !

Haere mai i te fare nei !

Haere mai e tāmā !

Auē roa atu hoī e, eiaha to ù hiroā  
ia moē.

Henri Hiro.

**CHAUFFE EAU  
SOLAIRE INOX**

**DISTRIBUTEUR  
ET  
INSTALLATEUR**

**CHANSON  
IMPORT**

**TEL: 2.5740**

**B.P: 397 FARIIPITI**

Derrière le magasin Roger Sienna

Inaha hoī te fenua ra o te fetii  
ihōā ia. I tiā roa ai te maa parau  
ra e, "Haere anaē io mea mā !" ! E ia hae-  
re hoī au io mea ra, i te atea aē  
ra a, ua faaroo atu vau i terā tuo  
iti ra e : "Haere mai i te fare nei  
mai te au ihōā i te parau a tau nuāu  
ra e :

"E tau tamaiti, ia pahere noa aē e  
te hoē taata na to ēatiā, a pii atu  
e, haere mai i te fare nei, e ia tiā  
taie noa mai i te ūputa, a parau atu  
e, a tomo mai !" ! Hoē parau to te  
fetii, to te fenua e to te fare. Hoē